



CHEQB'AL IQELAL  
SB'ISIL 9-2009

# IQELAL CHI

AQ'ON YOWALIL MULEJ, YETNELAY ANIMA  
K'AL YAQ'CHAJ PURAL ANIMA STXONON  
SMIMANIL

 Q'anjob'al

# IQELAL CHI

AQ'ON YOWALIL MULEJ, YETNELAY ANIMA  
K'AL YAQ'CHAJ PURAL ANIMA STXONON  
SMIMANIL



**CHEQB'AL IQELAL SB'ISIL 9-2009**  
**A POPB'AL LATZ'LEB'AL KAJAY**  
**KONOB' YET KONOB' XE'Q'A'.**



## YUJTU XIN:

A tx'an Txutx'al Iqelal yet konob' Xeq'a' chi yala' tol a konob' hoq yojtaqnej kax hoq yojtaqnen yaq'on jokob'al yet junanej b'ahilal: hoq yaq' yowalil juntzan man mojaliloq chi watx'ji, axka yet chi etnelayi ma yet chi alay ok xol owal yet chi maq'layi, yet chi etnelay el snab'al, yet chi etnelay smimanil ma yet chi aq'chaj pural watx'nen junoq tzet yetal, kax tol yiqbej tonwal yajawil ma konob' yaq'on sb'eqanil yokob'al heb' anima, axka sb'eqanil heb' anima k'al yet chi taynelay heb' yin stxolilal, yet chi q'anlay heb' stxolilal yet k'am chi chalayi, yet chi ilay eloq ma yet chi alay ok yin yayilal, heb' chi etnen jung ix unin, winaq unin, ach'ej, q'opoj, ix, k'al heb' anima tol man tz'aqanoq smimanil k'al heb' icham anima xa yab'ilal.

---

## YUJTU XIN:

---

A konob' Xeq'a' max taq'wej juntzan stxolilal yet chi tenlay ok wahanoq, yet k'am chi chalayi ma yet chi alay ok yin yayilal yet chi aq'chaj plural yet chi stxonon smimanil, mawal axka heb'ix ix k'al heb' unin tol chi yaq' tz'aqnaj jun lajti' yet heb' mimeq konob'laq yin heb' chi waj b'ulay sb'a yin yob'taqil yulaq mieq konob'laq, a yochwan tol chi mitx'ok wahan yet chi etnelay anima yet chi stxonon smimanil, kax tol chi nalayi tol yetoq junoq ujilal chi watx'ji yin mimantaqil ma yulaq konob'laq b'ay chi tit yichb'anil, yet chi ek'toq k'al b'aytal chi apni okoq yet chi ok yin stxolilal yet axkatu chi mitx'lay ok wahan jun yet chi aq'chaj plural junoq maktxel yet chi stxonon smimanil, chi alay ok yin yayilal heb' chi watx'neni k'al heb' chi taynen heb' ayok yin yayilalti, chi taynelay yokob'al ojtaqb'il yuj mimeq konob'laq.

---

## YUJTU XIN:

---

A konob' Xeq'a' max taq'wej, max oktoq juntzanxa, aton juntzan mitx'q'ab'ej yet konob'laq ti: axka tx'an lajti' 182 yet chi wajb'ulay sb'a heb' konob'laq yib'antoq mulnajil axka yet chi aq'chaj yowalil heb' ujilal yib'an mulnajil b'ay heb' k'amto chi lajwi yab'ilal k'al ujilal yin ayman yet chi ilay eloq, Lajti' yet wajb'ajb'ahilal yet konob'laq yib'antoq mulnajil sb'isil 29 k'al 105, tol ak'al ok yetoq " mulnajil tol ya' yoki k'al yet chi aq'chaj plural junoq maktxel watx'neni" k'al "yet chi ilay el mulnajil yet chi aq'chaj plural junoq maktxel", "a jun stxolilal chi mulnaj ok

yib'antoq lajti' yet yokob'al heb' unin, axka yet chi txonlay el junoq unin, yet chi stxonon smimanil k'al yet chi q'anlay heb' unin yet chi watx'nen heb' mulej yetoq smimanil yet chi illay yulaq ch'en ch'en, a juntzan ti ayok sxol, yet a konob' chi yiltoq kax chi watx'nelay ok yin stxolilal.

---

## YUJTU XIN:

---

Tol yowalil hoq chalay jun iqelal ti yet hoq k'exchaj tzet chi yun yillaytoq heb' anima yin k'exk'extaqil maqanil, k'al xol juntzanoqxa: yet chi watx'nen mulej yetoq smimanil, yet chi txonon smimanil, mulnajil, yet chi ok yin yayilal, yet chi aq'chaj pural nupayi, yet chi tx'onlay tx'ankan anima, ma juntzanoqxa yet chi etax anima, ojtaqneb'il nati axka junoq mulej yuj konob'laq, yujtol a junti chi yochej k'apaxoq tol hoq illayteq yin watx', kax tol hoq yochej k'apax hoq saychaj junoqxa stxolilal yet iqelal, axka b'ay heb'cham taynem konob' k'al xol konob', juntzan ti hoq yib'a yetoq skolwal heb'cham yajaw ma juntzanoqxa snahil mulnajil yet konob'al ma yet sb'a tx'oqlil tol ayok xol jun maqanil ujilal ti.

---

## YUJTU XIN:

---

A konob' Xeq'a' max taq'wej, jun lajti' yib'antox yokob'al heb' unin, kax a junti chi yala' tzet kawxinaqil, tol a' smaqb'ej konob' chi yahok sb'i yin txolilal iqelal tol yowalil yet axka tu chi alay ok yin stxolilal yokob'al yet chi taynelay heb' unin k'al heb' ach'ej ma heb' q'opoj yet chi etnelay heb' k'al yet chi ok heb' yin yayilal; kax tol a tx'an lqelal yet chi taynelay heb' unin k'al heb' ach'ej ma heb' q'opoj, jun stxolilal ti tol a k'apax konob' yowalil hoq yahok yin stxolilal yetox lqelal yet chi taynelay heb' unin b'ay masanil juntzan ujilal yet chi etnelay smimanil heb', yetnen swinaqil ma yixalil junoq anima, snab'al k'al yet chi b'eq ilnelayi ma yet yob' chi yun yillaytoq.

---

## YUJTU XIN:

---

Tol a tx'an latz'b'al lqelal mulej ayok yin yiqb'ej nani, k'amxa chi wax'nej el yin stxolilal yet chi yilontoq yokob'al heb' unin, yujtu xan yowalil chi tz'aqtenelayi ma chi watx'ji ok yin txolilal junelxa axka k'al yalon lqelal yet mulej yul juntzan unti, kax chi yahon eltoq yet chi ok yin stxolilal juntzan iqelal ti, yet chi tz'unchaj juntzan chi ilontoq yib'an heb' mulej k'al yet chi tojlanelay ok junoq mulej tol ayxak'alta'a kax tol chi ch'ib' yokob'al heb' unin yet k'am chi etnelay heb' k'al yet k'am chi ok heb' xol owal.

## YUJK'ALTONTU XIN:

Yet chi iqchaj lajwoq heb' iqb'ej tz'ib' yayjikan b'ay lostuqan a) yet  
171 yaltuqan yet tx'an txutxal iqelal yet konob' Xeq'a,

## CHI YAQ'KAN YIN IQELAL:

Jun

**IQELAL CHI AQ'ON YOWALIL MULEJ, YETNELAY  
ANIMA K'AL YAQ'CHAJ PURALANIMA STXONON  
SMIMANIL**

# ► JUN MIMAN TUQAN

## STXOLILAL YIN SMASANIL

---

### *Jun yaltuqan. Yochwan tx'an iqelal.*

Tx'an iqelal ti, ay yochwan tx'an mitx'on ok wahanoq, yihon eloq, yahon ok yin yayilal k'al yihon el junelnej juntzan owal yin ix ix k'al yin naq winaq, yet chi etaxi k'al yet chi aq'chaj plural txonon smimanil, yet chi ilchajtoq k'al yet chi taynelay heb' chi ok yin yayilal k'al yilontoq b'aytal max etaxi k'al jantaq heb' yob'alil max yaq'kanoq.

### *Kab' yaltuqan. Yichb'anil.* Yichb'anil ton tx'an iqelal juntzan ti.

- a. **Chahok hanab'al yin:** chi taynej stx'oxb'anil el junoq anima tol chi etaxi, kax chi mitx'on ok wahan junoq ab'ix.
- b. **Tayneb'al yin jichanil:** B'ay smasanil heb' anima tol chi etaxi chi aq'lay ok yin stxolilal yet chi taynelay heb' anima kax yet axka tu chi je' k'exchajtoq yet chi taynelayi k'al yet chi aq'chaj meltzoj yokob'al heb'.
- c. **K'amxa chi ok yin yayilal.** Yin juntzan stxolilal ayay yul tx'an iqelalt ti, yowalil chi ilay el masanil ujilal tol chi je' yaq'on yasoq smimanil, snab'al jun anima chi etaxi.
- d. **Miman yochwan heb' unin.** Yin smasanil heb' ujilal, chi alay ok yin stxolilal yetoq heb' manto lajwinaqoq yab'ilal, a yochwan heb' unin yowalil hoq alay ok yin stxolilal, axka tu hoq alay ok yin stxolilal junanejb'ahil heb' yetoq yochwan xol konob', hoq ok yin stxolilal yetoq ujilal, tzalok'ulal, yaq'lay meltzoj yokob'al heb' max tek'lay ayoq, kax chi ojtaqnelay jun anima tol manto lajwinaqoq yab'ilal, yujtol aton ajb'ab'el yet yokob'al kaxtol hoq illaytoq yin juntzan lajti'ejal chi kawxi yib'antoq.

- e. **K'am b'uchwalil:** Masanil anima chi ok yin yayilal chi illaytoq, tzank'al yin juntzanoq stxolilal, taxa'mi yin yayilal ma yin taynewal yin junoq anima chi etaxi, tom ix ma winaq, atak'ala' jantaq yab'ilal, yalk'al tzet skuyb'anil, yalk'al tzet sb'eyb'al ma junoqxa tzet yetal chi stx'oxon eloq.
- f. **Yokob'al yet chi yalon yet.** Juntzan nab'alej k'al' yochwan heb' anima ayok yalan yayilal, yowalil hoq q'anlelay el b'ay heb' kax hoq ok yin stxolilal, yin lajti'ejal yet hoq je' kolwaj ok yetoq heb', max watx'ji juntzan tencheb'al tol yowalil ay yalon yet atak'ala' jantaq yab'ilal ma stek'anil.
- g. **Yaynaqil b'ay tzet chi tx'oxon el sb'eyb'al.** Yowalil chi ojtaqnelay yokob'al heb' anima chi etaxi, axka yetoq sb'eyb'al, skuyb'anil yin masanil q'anleb'al, yet chi ilchaj schab'anil yet chi illaytoq ma yet chi ok yin stxolilal yin iqelal.
- h. **Ab'ix:** Heb' anima chi etaxi yowalil hoq yab' heb' ab'ix yib'antoq yokob'al heb', yetoq mitx'q'ab'ej ay b'ay, yowalil hoq yal ab'ix b'ay yib'antoq stxolilal yet chi taynelay heb' icham anima, yet chi saylay yet ajnahil, k'al tzet yaq'on skonob' b'ay max alji.
- i. **Yochwan yin sq'inal.** A b'ay heb' max etaxi chi je' yaq'lay stxolilal b'ay heb', yet axka tu hoq je' yihon b'ey heb' yochwan yin sq'inal, yet chi ilay el jun chi etnen heb' tu k'al jun k'am chi chahon ch'ib' yochwan heb'.
- j. **Tzet yetal kawyowalil:** Heb' stxolilal tz'ib' yayji kan yul tx'an iqelal ti, yowalil chi watx'ji yin stxolilal yin amank'uhan.
- k. **Tzet chi etnen yet yalixhto yab'ilal:** Tatol k'am chi je' watx'ji yujtol manto lajwinaqoq yab'ilal jun anima chi etax tu ma tol ay k'ab'k'ulali yib'ay yuj yab'ilal ma yib'antoq yelalil yunal chi stx'oxon eloq, hoq allaytoq tol manto lajwinaqoq yab'ilal.
- l. **Watx'jub'al yin watx' yet chi q'anon yokob'al:** A swatx'ilal yet watx'jub'al yet chi q'anon yokob'al junelxa yet mayal etnelayi, a yet chi watx'ji ma yet chi yihon juntzan yokob'al ti junelxa b'aytal max etax smimanil, snab'al yet max etaxi.



***Oxeb' yaltuqan. Kuyojal, q'anlayi k'al tx'an kolwajwom iqelal.***

Yowalil hoq kuylay tx'an iqelal ti, k'al q'anlay tx'an yin swatx'ilal yetoq smasanil heb' iqelal, juntzanoqxa iqelal k'al lajti' yet mimeq konob'laq tol chab'il kan yuj tx'otx' konob' Xeq'a', yujtol chi yi' b'ey sb'a yin stxolilal yetoq yochwan tx'an iqelal ti. Yin smasanil b'aytal k'am chi ilchaj jun stxolilal tz'ib' yayji kan yul tx'an iqelal ti, yowalil hoq q'anlay tx'an latz'b'al iqelal mulej k'al stxolilal yiqelal mulej.

# KAB' MIMAN TUQAN

## AJTZ'IB'YIB'ANTOQ IQELAL CHI AQ'ON YOWALIL MULEJ, YETNELAY ANIMA K'AL YAQ'CHAJ PURAL ANIMA STXONON SMIMANIL.

---

**Kaneb' yaltuqan.** Ajtz'ib' yib'antox iqelal chi aq'on yowalil mulej, yetnelay anima k'al yaq'chaj pural anima stxonon smimanil.

Chi tz'unchaj jun ajtz'ib' yib'antox owal yin mulej, yet chi etnelayi k'al yet chi aq'chaj pural yet chi txonon heb' anima smimanil. Ayok xol maktxel chi ihon ok stxolilal k'al yin skab' sat yajawil yet konob'al, yujtol yowalil hoq ok yin stxolilal atak'ala' tzet tz'ib'chajkan yul tx'an txolilal iqelal.

Naq ajtz'ib' chi ihon ok stxolilal nahil ajtz'ib', a cham skab' sat yajaw hoq ahon kan ok jun yiqb'ej naq ti.

- a. Hoq illaytoq yetox junox maqanil kax hoq aq'lay kan ek'tox yet hoq watx'nelayox juntzan ujilal b'ay juntzan mimeq nahil mulnajil yet konob'al k'al yet hoq tenon eloq owal yin ix ix k'al yin naq winaq yet chi etnelayi k'al yet chi aq'chaj pural yet chi txonon heb' smimanil.
- b. Chi allaykanoq tol chi ok yin stxolilal juntzan iqelal k'al stxolilal b'ay k'exk'ex snahil mulnajil yet konob'al yib'antox jun mitx'q'ab'ej ti.
- c. Chi watx'nelay yet chi ilay okoq k'al kuylayi stxolilal tx'an iqelal, maqanil mulnajil k'al juntzan ujilal yib'antox tzet chi watx'nej ti kax chi yalon kanoq snab'al yib'an.

- d. Watx'nen ajoq ma yahon ok stz'aqil stxolilal, mitx'q'ab'ej, k'al mulnajil yet nab'alej k'al yet chi allay stxolilal yin kok'taqil yul tx'otx' miman konob' ti k'al yulaq tx'otx' yal konob', b'ay masanil heb' anima atak'ala' skuyb'anil ma sb'eyb'al heb' yul tx'otx' konob' ti, atak'ala' jantaq yab'ilal, atak'ala' tzet yetal sb'eyb'al, atak'ala' tzet ti'ejal chi yal heb' hoq ab'on jun ab'ix ti, atak'ala' tzet chi yun yallayi.
- e. Chi q'axponelaytoq heb' mitx'q'ab'ej, heb' maqanil mulnajil tol chi taq'wej jun maqanil mulnajil yet konob'al yet unin k'al yet ach'ej.
- f. Chi alay ok yip kuyojal yet chi saylay ila', yet chi ok yechb'alil k'al yet chi illaytoq juntzan stxolilal chi etnelayi k'al yet chi aq'chaj plural yet chi txonon heb' anima smimanil, sol juntzan tu, heb' ujilal chi watx'nej heb'cham yajaw k'al stxolilal yet chi toj anima b'ay junoqxa konob'.
- g. Hoq alay ok yip yet hoq ok stz'aqil atak'ala' yin skab' maqanil ma yin xiwil maqanil yet tayneb'al yet konob'al.
- h. Chi alay ok yip yet chi tz'unlayi ma yet chi ok yin stxolilal heb' yunal kaw yowalil yet watx' chi aq'chaj ok yin txolil juntzan nab'alej ma ab'ix yib'antox yet chi etax heb' anima.
- i. Chi allay yab' heb'cham yajaw juntzan ujilal yib'antox mulej ma yet man yojtaqox tzet yetal chi yikantex yib'an yet chi watx'nen smulnajil.
- j. Chi alay ok yip, b'aytal smojalil, stxolilal yet chi allay junoq nab'alej, yet chi watx'ji yin watx' unoq ayk'al yalon yet yetox yet chi ilay eloq, taynelayi, yillaytoq k'al yahon ok yin yayilal atak'ala' tzet tz'ib'chaj kan yul tx'an iqelal ti.
- k. Chi yihok stxolilal jantaq tzet yetal chi watx'ji, maqanil mulnajil b'ay heb' snahil mulnajil yet konob'al yujtol hoq je' kolwaj ko heb' yetox snahil tz'ib'wal, b'aytal hoq q'anlay b'ay heb'.
- l. Chi tz'unlay junoq b'ulan yet konob'al chi ilontox yib'an stxolilal, snab'alejal k'al yochwan snahil ajtz'ib'.

### **Waqeb' yaltuqan. Iqb'ej.**

A ajtz'ib' aton chi ilontoq kax chi yiqen lajwoq jun txa'n iqelal ti k'al b'ay heb'cham yajaw k'al b'ay heb'cham lajntaq smulnajil chi watx'nej. Yetoq yochwan yaq'on yaq'on ok yin stxolilal tx'an iqelal ti, a ajtz'ib' yowalil hoq tz'unu' ma hoq yojtaqnej heb' ay yiqb'ej b'ay ayok heb' snahil mulnajil yet konob'al k'al heb' konob' chi yib'ey sb'a yin stxolilal tol ayk'al ok yilontoq yet chi etnelayi k'al yet chi aq'chaj plural yet chi txonon heb' anima smimanil.

# ▶ OXEB' MIMAN TUQAN

## CHI TENLAY ELOQ, CHI TAYNELAYI K'AL YET CHI ILLAYTOQ HEB' CHI ETNELAYI.

---

### *Uqeb' yaltuqan. Chi tenlay eloq.*

Chi nachaj el juj yet chi tenlay eloq yet chi watx'ji k'al yet chi b'eqchaj heb' chi sje' q'anchaj yet chi ilay el owal yet chi etnelayi k'al yet chi aq'chaj plural yet chi txonon heb' anima smimanil, yet k'amto chi yal heb' snab'al, yib'antox jun yayilal heb' tu k'al yib'an tzet yetal chi je' watx'ji yib'an heb'.

### *Waxaqeb' yaltuqan. Tayneb'al.*

Aton jun aymanil, yin tz'aqanil k'al yin swatx'ilal b'ay chi mulnaj ok heb' yajaw chi ilontoq yet chi aq'lay kan b'ay jun chi etaxtu juntzan swatx'ilal yet k'amxa chi etaxk'al junelxa, yet k'amxa chi ok yin yayilal, yet k'amxa chi etnelay yokob'al, axka ton yet chi watx'nelay ok yokob'al jun anima tu.

Heb' yajaw chi ilontoq yib'an jun ujilal ti, xol tonwal smulnajil heb' ayoktoq, yowalil hoq chahil heb' yich stxolilal yilontoq k'al yin stxolilal iqelal yet axka tu chi aq'lay kan tayneb'al jun anima chi ok yin yayilal tu.

### *Baloneb' yaltuqan. Chi illaytoq.*

Aton jun aymanil, yin tz'aqanil k'al yin swatx'ilal b'ay chi mulnaj ok heb' yajaw chi ilontoq yet chi aq'lay kan b'ay jun chi etax tu yet chi el lehehoq yin smimanil k'al snab'al, axka ton yet chi meltzoj xol konob' b'aytal kajan, b'ay yet ajnahil, yet chi taynelayi atak'ala' yab'ilal ta ix ma winaq, atak'ala' tzet yetal sb'eyb'al.

Xol juntzan stxolilal mulnajil chi ilontoq yib'an, yowalil hoq q'anlelayoq k'al yalay ok yin stxolilal tzet yetal chi yal jun maktxel chi etax tu. Yowalil hoq saylay stxolilal yet axka tu hoq je' yalon yet, atak'ala' jantaq yab'ilal ma jantaq sq'inal tatol manto lajwinaqoq yab'ilal.

### **Lajoneb' yaltuqan. Maktxel chi etaxi.**

A swatx'ilal juntx'an iqelal ti, hoq nachaj el juj axka maktxel yet chi etax junoq anima yin junjunal ma yin b'ulanil tol max ok yin yayilal, axka smimanil, snab'al, yet chi somchaj snab'al, yet chi ilay ek' stumin yet chi etaxtoq juntzan yokob'al miman yelapnoq yin sq'inal, axka yayilal chi yikanteq yet chi etnelayi. Chi allay k'apaxoq heb' yet ajnahil tol chi etax k'apax heb' yujtol a heb' chi ab'en yayilal jun il ti yetoq jun maktxel chi etax tu yet chi q'anjab' heb' yetoq, yet chi yochen heb' chi kolwaji ma yet chi yochen heb' chi tenil jun il tu.

### **Usluk'eb' yaltuqan. Yokob'al koq'inal.**

Yokob'al ton sq'inal heb' anima chi etaxi, axka ton juntzan ti.

- a. Yet chi k'ub'elay el maktxel jun anima chi etax tu b'ay heb' yet ajnahil.
- b. Yet chi el lehehoq yin smimanil, yin snab'al k'al yet chi ayji ek' xol konob'.
- c. Yet chi kajay ek' yetoq yet ajnahil.
- d. Yet chi illaytoq yin iqelal k'al yin stxolilal k'al junoq maktxel chi ahon ok sti' yet chi illaytoq k'al yet chi taynelayi, yet axka tu hoq yab'ej tzet yetal hoq allayoq, mawal axka yul sti' chi yala'.
- e. Yet chi illaytoq yin iqelal k'al yin stxolilal k'al junoq maktxel chi ahon ok sti' yet chi ok yin stxolilal yillaytoq yul sna, yet chi taynelayi, spichil. B'ay heb' anima manto lajwinaqoq yab'ilal, a kolwajwom yet konob'al hoq yil maktxel heb'cham kolwajwom yib'an b'ilk'ulalej hoq kolwaj ok yin jun stxolilal ti.
- f. Yet chi ayji ek' yul tx'otx' konob' yet chi chalayi yet chi illaytoq jun anima chi etnelayi yet chi sxtonon smimanil.

- g. Watx'jub'al yanimahil b'aytal max etaxi.
- h. Tayneb'al k'al yaq'lay meltzoj yokob'al tol max etnelayi, max mitx'lay ok wahanoq kax max etnelayi.
- i. K'al juntzanoqxa ay yochwan taynen sch'ib'ilal masanil yokob'al heb' anima. Heb' okob'al tz'ib' yayji kan yul jun yaltuqan ti tol tz'aqan, kax tol k'am chi je' yilay eloq ma junej.

**Lajkaweb' yaltuqan. Watx'neb'al heb' yokob'al.**

Heb' okob'al chi watx'nelay okoq, tayneni ma taq'weni, k'al xol juntzanoqxa axka: koq'inal, janimahil, yet k'am ilya', kokuyoj, k'al juntzanoqxa watx'ilal yin koq'inal, k'al yet chon kajay ek' yetoq heb' jet ajnahil, yet chi okpax yin stxolilal konab'al, kuyojal yib'antox saqach, masanil juntzan nab'alej tz'ib' yayji kan yul tx'an Txutxal Iqelal yet konob' Xeq'a', k'al yul juntzanoqxa tx'an iqelal, lajti' yet konob'laq tol ayok yin stxolilal yul kokonob'.

**Oxlajoneb' yaltuqan. Alwalb'ahejal sataq yajaw.**

Yet tatol txekel yili okoq ma tol yet ojtaqb'ilxa jun xiwk'ulalil tu, yet chi mitx'lay ok wahan yokob'al tol tz'ib' yayji kan yul tx'an iqelal ti, yowalil hoq yal sb'a b'ay heb'cham yajaw chi ihon ok stxolilal iqelal. Jun alwalb'ahejal hoq je' yallay b'ay heb' cham yajaw yin ewantaqil.

**Kanlajoneb' yaltuqan. Ilb'altoq yet chi toj b'ay junoqxa konob'.**

Yet k'am yayilal chi yaq'kan heb' mulnajil yet konob'laq yet b'eqan yek' heb' anima, heb' yajaw yet ilb'altoq yet chi toj b'ay junoqxa konob', yowalil hoq yilteq heb' juntzan ti:

- a. Chi alay ok yip yet chi illaytoq smaqb'ej junoq konob' yet chi mitx'lay ok wahanoq ma yet chi ilchajteq yet chi stxonon anima smimanil.
- b. Chi saychaj il tx'an unej chi tx'oxq'ab'nen el jun anima tu yet chi ek'jab'i ta tol man yecheloq junoqxa tx'an.

- c. Chi saychaj il jun junejb'ahilal yet icham anima inej ok junoq manto lajwinaqoq yab'ilal.
- d. Chi k'exq'anlay nab'alej yet watx' chi yun q'anlay heb' mitx'q'ab'ejuj heb' ajnab'alej ma heb' anima ayok yin b'ulanil yin jun yet chi stxonon heb' anima smimanil, axka ton yetoq heb' mitx'q'ab'ej chi q'anlay yet sub'oj xa' yilchaji.

***Olajobe' yaltuqan. Yet chi allay yab' heb' snahil mulnajil chi ilontoq yib'an.***

Ta a snahil mulnajil iqelal vojtaq junoq ujilal axka juntzan ayay yul tx'an iqelal ti, yowalil hoq yal b'ay jun anima chi etax tu yib'antoq stxolilal yet stayneb'al k'al yet chi illaytoq.

Ta a jun anima chi etax tu tol manto lajwinaqoq yab'ilal, a snahil mulnajil iqelal hoq yal yin amunk'uhan b'ay snahil chi ilontoq yet tayneb'al unin k'al ach'ej ma q'opoj yet chi chahon el yin yet chi taynelayi.

Ta a jun chi etax tu tol man ajkonob'oq kayti, a heb'cham yajaw chi ilontoq yib'an junti yowalil hoq yal b'ay snahil chi ilontoq yib'an junti.

---

## **JUNOQ MAQAN UJILAL B'AY HEB' ANIMA CHI ETAX YET CHI STXONON HEB' SMIMANIL.**

---

***Waqalajoneb' yaltuqan. Stxolilal yet k'amto chi ek'toq.***

Heb' anima chi etax yet chi txonon heb' smimanil yowalil hoq aq'lay meltzoj heb', yet mayal ok q'umelejb'ahil yetoq heb'cham yajaw, yetoq skonob' b'aytal kajan, yujtol a b'ay heb'cham hoq aq'laykanoq yet hoq teynelayoq.

A konob' Xeq'a' hoq yahok yin stxolilal yet hoq aq'lay meltzoj b'ay skonob' b'aytal max alji, yet hoq q'anon skolwal yib'antoq jun ujilal ti, yet k'am tzetyetal chi ek'toq yib'antoq yokob'al yin icham animahil k'al yin skajyub'al.



A kolwajwom yet konob'al, yin k'al swatx'ilal yilontoq yin iqelal yib'an heb' unin k'al heb' ach'ej ma heb' q'opoj, hoq chakan ok yib'an jun stxolilal yet hoq yaq'on meltzojoq b'ay heb' tol manto lajwinaqoq yab'ilal.

Yin masanil, a q'umb'alb'a yajaw yet Mimeq Konob'laq, yib'antoq maktxel chi tx'oxon eloq, hoq kolwaj ok yin stxolilal yetoq iqelal b'ay heb' ajxeq'a' tol ayok yalan yayilal yet chi txonon heb' smimanil b'ay junoxa konob', yujtol ay yochwan heb' chi yakan ok yin stxolilal yet stayneb'al yuj konob' Xeq'a', atak'ala' tzet konob'al b'aytal chi ilchaj okoq.

### ***Uqlajoneb' yaltuqan. Stxolilal yet chi aq'chaj meltzojoq.***

A q'umb'alb'a yajaw yet Mimeq Konob'laq yowalil hoq mulnaj ok yin yetoq heb' konob' b'aytal kajan heb' anima chi etax yet chi stxonon heb' smimanil tu, yetoq yochwan yaq'on meltzoj yin stxolilal yet tayneb'al atak'ala' tzet yetal chi yal yokob'al heb' anima, axka yet chi taynelay jun chi etnelay tu k'al yet stxolilal iqelal tol ak'al oy yetoq yokob'al yet max ok yin yayilal. Yet k'am yayilal chi yaq'kanoq, yowalil hoq q'anlay skolwal snahil anb'al k'al yet chi illaytoq snab'al yet chi watx'ji jun anima tu, k'apaxoq yokob'al jun icham anima ma yet chi ayji ek' jayeb'oq k'u ma junelnej b'ay smaqb'ej junox konob'.

B'aytal tol k'amxa maktxel hoq etnen jun anima max ok yin yayilal tu yet hoq aq'lay meltzoj b'ay skonob', a yet hoq aq'lay meltzojoq hoq aq'al meltzoj yin amunk'uhan maj mitx'lay kan ok wahanoq. Yib'antoq juntzan stxolilal ti, tatol a jun anima tu ay jab'oq k'exanil yun, a Q'umb'alb'a yajaw yet Mimeq Konob'laq hoq yihoq stxolilal yetoq konob' b'ay max alji jun anima tu, yet tx'an unej yet hoq je' yek'jab'i ma yet hoq aq'chaj sb'eqanil yet hoq meltzojoq.

### ***Waxaqlajoneb' yaltuqan. Yokob'al heb' anima yet chi aq'chan meltzoj heb'.***

A Q'umb'alb'a yajaw yet Mimeq Konob'laq yowalil hoq yaq'kanoq juntzan okob'al ti:

- a. Yet aymaktxel chi ayji ek' yetoq k'al yet chi illaytoq yet chi toj b'ay junoqxa konob', chi allay b'ay heb' chi mulnaj ok yinb'antox jun ti.
- b. Yet chi aq'chaj ok yin stxolilal yet k'am chi allay eloq maktxel jun chi etax tu, yet chi watx'ji smimanil, snab'al k'al kajay ek' xol konob', jun anima max etax tu, chi illaytoq yetoq snahil chi ilontoq yet swatx'jub'al yanimahil.
- c. Chi aq'chaj sb'eqanil yet chi q'anjab' yetoq yet ajnahil aykan b'ay skonob' b'ay max alji yet chi meltzoj junelxa.
- d. Chi alay ok yin stxolilal yetoq heb' yet aj snahil chi ilontoq yet chi toj anima b'ay junoqxa konob' k'al heb' chi tx'oxq'ab'nen el stayneb'al skonob' jun anima chi etax tu, yetoq yochwan yaq'on stayneb'al k'al yilontoq yet mayal aq'chaj meltzojoq.

***B'alonlajoneb' yaltuqan. Stxolilal yet heb' mimeq nahil chi tayneni, yilontoq k'al yaq'on meltzojoq.***

A ajtz'ib' yet swatx'ilal konob' k'al Q'umb'alb'a yajaw yet Mimeq Konob'laq, yowalil hoq yihok heb' jun q'umb'alb'a yin txolilal, yet hoq ok stz'aqil, yillaytoq k'al yillay jantaq yet:

- a. Sxolilal yet snahil mulnajil chi tayneni k'al yet chi yilontoq heb' chi etax yet chi stxonon heb' smimanil; k'al,
- b. Sxolilal yet snahil mulnajil chi ilontoq yet chi aq'chaj meltzoj jun chi etax tu, yet chi ok yin stxolilal snab'al k'al yokob'al ta tol k'am chi aq'cham meltzojoq.

# ▶ KANEB' MIMAN TUQAN

YET HEB' B'ILK'ULALEJ CHI OK XOL HEB' YAYILAL  
YET CHI ETNELAYI K'AL YET CHI AQ'CHAJ PURAL  
YET CHI TXONON HEB' ANIMA SMIMANIL.

---

## *Junk'al yaltuqan.*

Chi ok stz'aqiloq jun lostuqan 6°, masantak'al b'ay usluk'eb' yoxk'al yaltuqan yet tx'an latz'leb'al yiqelal mulej, tx'an cheqb'al iqelal 17-73 yet Popb'al Latz'leb'al kajay Konob' Xe'q'a', yujtol max watx'jikan axka ti:

**"6o.** B'ay heb' aykan ok yin yayilal yuj mulej tol tz'ib' yayjikan b'ay yaltuqanil yet b'ab'el miman tuqan yet yox maqan.

## *Jun skawinaq yaltuqan.*

Chi ok stz'aqiloq jun lostuqan 5o, yet uqeb' waqk'al yaltuqan yet tx'an Latz'b'al Yiqelal mulej, yul tx'an cheqb'al iqelal 17-73 yet Popb'al Latz'leb'al kajay Konob' Xe'q'a', yujtol max watx'jikan axka ti:

**"5o.** yet chi ek'toq k'u yin kakk'kab'il yuj yayilal aykan jib'an yuj smul max watx'nej kax tol tz'ib' yayji kan b'ay jun maqan k'al b'ay kab' yaltuqan yet tx'an kab' yunal yet Latz'b'al yiqelal mulej.

## *Kab' skawinaq yaltuqan.*

Chi ok stz'aqiloq jun lostuqan 6°, masantak'al b'ay waxaqeb' waqk'al yaltuqan yet tx'an Latz'leb'al yiqelal mulej, tx'an cheqb'al iqelal 17-73 yet Popb'al Latz'leb'al kajay Konob' Xe'q'a', yujtol max watx'jikan axka ti:

**"6o.** Yib'an heb' mulej chi watx'ji yin heb' anima tol manto lajwinaqoq yab'ilal, ay jun sb'eqanil heb' yin stxolilal chahon el yich yetk'alta' chi lajwi yab'ilal jun anima max ok yalan yayilal tu.

### ***Oxeb' skawinaq yaltuqan.***

Chi ok stz'aqiloq jun lajoneb' waxaqk'al yaltuqan yin kab' masantak'al b'ay tx'an latz'b'al yiqelal mulej, tx'an cheqb'al iqelal 17-73 yet Popb'al Latz'leb'al kajay Konob' Xe'q'a', yujtol max watx'jikan axka ti:

### ***Lajoneb' waxaqk'al yaltuqan. Yin kab'. Yet chi etnelay heb' anima tol manto lajwinaqoq yab'ilal.***

A junoq maktxel chi etnen junoq anima tol manto lajwinaqoq yab'ilal ma junoq anima tol man tz'aqanoq snab'al, smimanil, ma ay junoq yilya', jun maktxel chi etnen tu chi ok yalan yayilal maqay yul te' te' yin kab' ab'il ma yin oxeb' ab'il, yet k'am yob'taqil juntzanoqxa yayilal max watx'ji yuj juntzanoqxa mulej.

### ***Kaneb' skawinaq yaltuqan.***

Chi watx'nelay ok junelxa jun usluk'eb' yoxlajonk'al yaltuqan yet tx'an Latz'b'al yiqelal mulej, k'al tx'an cheqb'al iqelal 17-73 yet Popb'al Latz'leb'al kajay Konob' Xe'q'a', yujtol max watx'jikan axka ti:

### ***Usluk'eb' yoxlajonk'al yaltuqan. Yet chi junb'enelaytoq yuj junoq ilya' yet chi watx'nen mulej.***

A maktxel yojtaq tol ay junoq ilya' yin smimanil kax chi junb'anentoq junoqxa anima, chi ok k'apax yin yayilal yet chi maqay yul te' te' yin kab' ma yin kaneb' ab'il. Ta a jun anima chi etax tu tol manto lajwinaqoq yab'ilal, ma tol man tz'aqanoq ay smimanil ma snab'al, jun anima chi etnen tu chi ilay aj yab'ilal yok yin yayilal.

### ***Oxeb' skawinaq yaltuqan.***

Chi ok waqlajoneb' swaxaqk'al yalktuqan. Kayel. Masantak'al b'ay tx'an Latz'b'al yiqelal mulej, k'al tx'an cheqb'al iqelal 17-73 yet Popb'al Latz'leb'al kajay Konob' Xe'q'a', yujtol max watx'jikan axka ti:

---

**Waqlajoneb' swaxaqk'al yaltuqan. Kayel.smulnajil ya' yoki b'ay heb' anima manto lajwinaqoq yab'ilal, chi je' yetnen swatx'ilal k'al yanimahil heb'.**

---

A maktxel chi aq'on mulnaj heb' unin tol manto lajwinaoq yab'ilal, yin mulnajil tol ya' yoki kax tol xiwk'ulal b'ay swatx'ilal sk'ul, hoq ok yin yayilal maqay yul te' te' kab'oq ma kaneb'oq ab'il k'al jun stojlob'al yetoq junk'al mil ma ok'al mil q'uq' tuminal.

### **Waqeb' skawinaq yaltuqan.**

Chi watx'nelay ok junelxa sb'i oxeb' miman tuqan yet tx'an kab' un yet Latz'b'al yiqelal mulej, tx'an cheqb'al iqelal 17-73 yet Popb'al Latz'leb'al kajay Konob' Xe'q'a', yujtol max watx'jikan axka ti:

***“oxeb' miman tuqan yet mulej yib'antox b'eqanilej ma kollay el heb' anima yet chi etax smimanil heb'.***

### **Uqeb' skawinaq yaltuqan.**

Chi watx'nelay ok junelxa sb'i jun miman maqan yet oxeb' miman tuqan yet tx'an skab' yunal yet latz'b'al yiqelal mulej, tx'an cheqb'al iqelal 17-73 yet Popb'al Latz'leb'al kajay Konob' Xe'q'a', yujtol max watx'jikan axka ti:

## **“B'AB'EL MIMAN MAQAN YET OWAL YIN IX K'AL YIN WINAQ”**

### **Waxaqeb' skawinaq yaltuqan.**

Chi watx'nelay ok junelxa oxlajoneb' sb'alonk'al yet tx'an Latz'b'al yiqelal mulej, tx'an cheqb'al iqelal 17-73 yet Popb'al Latz'leb'al kajay Konob' Xe'q'a', yujtol max watx'jikan axka ti:

***“oxlajoneb' sbalonk'al yaltuqan. Etnewal.*** A maktxel, max etnelay smimanil ma snab'al, ma tol max etnelay yul yixalil, yul schop ma yul sti' yuj junoqxa maktxel, ma chi alay oktoq junoq txet yetal b'ay junoqxa maqanil smimanil, ma b'ay juntzan maqanil mimanilej max allay ti, ma chi yaq' pural junoqxa anima yahon oktoq yul smimanil stx'oqlil, tol yowalil hoq ok yin yayilal yet chi maqay yul te' te' yin waxaqeb' ma lajkaweb'oq ab'il.

A yet chi watx'nelay jun ujilal ti yin junoq anima tol manto lajwinaqoq yin kanlajoneb' ab'il, ma yet tol a junoq anima tu man tz'aqanoq ayik' yochwan k'al snab'al yin watx', k'apaxoq yet chi illaytoq yib'an juntzanoqxa owal yin mimanilej ma yin nab'alej.

Hoq alay ok jun yayilal yet k'am yob'alil hoq yaq'kan yib'antox junoqxa mulej.

### ***B'aloneb' skawinaq yaltuqan.***

Chi ok kanlajoneb' sb'alonk'al yaltuqan yet tx'an Latz'b'al yiqelal mulej, tx'an cheqb'al iqelal 17-73 yet Popb'al Latz'leb'al kajay Konob' Xe'q'a', yujtol max watx'jikan axka ti:

***Kanlajoneb' sb'alonk'al yaltuqan. Yin kayel. Etnewal yixalil k'al swinaqil.*** A maktxel, max etnen smimanil ma snab'al, ma tol max yetnej yixalil ma swinaqil junoqxa anima, b'ay jun max etnen tu ma a b'ay stx'oqlil, tol k'amok mulej yin etnewal, tol hoq ok yin yayilal maqay yul te' te' yin oyeb' ma waxaqeb' ab'il.

A yet chi watx'nelay jun ujilal ti yin junoq anima tol manto lajwinaqoq yin kanlajoneb' ab'il, ma yet tol a junoq anima tu man tz'aqanoq ayik' yochwan k'al snab'al yin watx', k'apaxoq yet chi illaytoq yib'an juntzanoqxa owal yin mimanilej ma yin nab'alej.

### ***Lajoneb' skawinaq yaltuqan.***

Chi watx'nelay ok junelxa kanlajoneb' sb'alonk'al yaltuqan yet tx'an Latz'b'al yiqelal mulej, tx'an cheqb'al iqelal 17-73 yet Popb'al Latz'leb'al kajay Konob' Xe'q'a', yujtol max watx'jikan axka ti:

### ***Kanlajoneb' sb'alonk'al yaltuqan. Yipalil junoq anima.***

Junoq yayilal chi alay kan ok yib'an yuj junoq mulej alb'il kan b'ay jun yaltuqan max ek'toq, chi ilay aj stz'aqil yin yox maqanil yin juntzan ujilal ti.

- 1°. Ta a yuj yaq'on animahil yetox ujilal yet kawanoq ma xiwiloq anima.
- 2°. Ta a junoq maktxel chi etaxi tol icham winaq ma ixnamil ix xa, ma ay junoq ilya' chab'il yuj, ma tol man tz'aqanoq smimanil ma snab'al, ma tol man b'eqanoq yin yokob'al.

3°.Ta a jun maktxel chi watx'nen tu chi q'an junoq ch'en q'aq' julb'al ma an anej yet chi k'ayel snab'al junoq maktxel, ma yet chi etax snab'al ma yet chi k'expoj snab'al.

4°.Ta tol a yin junoq ix yiqelal ix chi jataxi, ma tol yet chi aj jun maqanil yayilal mulej.

5°.Ta tol a jun maktxel chi watx'nen tol yet ajnahil yetoq jun chi etax tu, ma tol a chi ilontoq skuyoq, tayneni, smojanil ma smojanilb'en, ma tol ak'alto ok yetoq axka yalon kan tx'an iqelal.

6°.Ta a' yayilal chi yikanteq yuj tzet yetal chi watx'nej, jun maktxel chi ahon ok junoqxa ilya' yin junoqxa anima yet chi watx'nen mulej yetoq yixalil ma swinaqil.

7°.Ta a jun maktxel chi watx'nen ti tol mulnajwom yet konob'al ma tol ay yiqb'ej yuj skuyoq.

#### ***Usluk'eb' skawinaq yaltuqan.***

Chi watx'nelay ok jun maqanil yet tx'an skab' un yet tx'an latz'leb'al yiqelal mulej, cheqb'al iqelal sb'isil 17-73. Yet Popb'al Latz'leb'al kajay Konob' Xe'q'a', yujtol chi watx'jikan axka ti.

---

## **“Oyeb' miman tuqan. Yet heb' mulej yetoq smimanil”.**

---

#### ***Lajkaweb' skawinaq yaltuqan.***

Chi watx'nelay ok jun 188 yaltuqan yet tx'an latz'b' yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a', max kankan axka ti.

***Waxaqeb' slajonk'al yaltuqan. Tx'oxb'anil yanimahil.*** A maktxel chi watx'neni, ma chi watx'nen yin junoqxa maktxel, yet chi yetnen smimanil sataq heb' manto lajwinaqoq yab'ilal, ma yetoq anima tol man tz'aqanoq ay smimanil ma snab'al, tol chi ok yin yayilal maqay oxeb'oq ma oyeb'oq ab'il yul te' te'.

### ***Oxlajoneb' skawinaq yaltuqan.***

Chi watx'nelay ok jun b'aloneb' slajonk'al yal tuqan yet tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

***B'aloneb' slajonk'al yaltuqan.*** Yet chi oktoq yin elawil k'al yet chi pojlay el yechelej b'ay chi mulji anima tol manto lajwinaqoq yab'ilal. Tol chi ok yin yayilal maqay yul te' te' yin oxeb'oq ma oyeb'oq ab'il.

- a. Chi scha' junoq ujilal yib'antoq mulej yetoq mimanilej b'ay heb' icham anima, ma b'ay heb' anima tol manto lajwinaqoq yab'ilal ma b'ay heb' tol man tz'aqanoq ay smimamil ma snab'al.
- b. Chi schahoktoq heb' tol manto lajwinaqoq yab'ilal yilon junoq ujilal b'aytal chi watx'ji mulej, tol asannej b'ay heb' lajwinaqxa yab'ilal chi sje' tx'oxlayi.
- c. Ma chi pojil b'ay heb' anima tol manto lajwinaqoq yab'ilal juntzan mitx'q'ab'ej b'ay chi mulji anima ti.
- d. Ma yet chi sayon junoq mitx'q'ab'ej yib'antoq b'ay chi mulji heb' anima tol manto lajwinaqoq yab'ilal.

### ***Kanlajoneb' skawinaq yaltuqan.***

Chi watx'nelay ok jun lajoneb' slajonk'al yal tuqan yet tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

***Lajoneb' slajonk'al yaltuqan.*** Etnewal mimanilej yet anima. A maktxel chi etnen junoq anima yet tol k'am chi yal b'ay jun anima tu, ma chi yihel yechel smimanil junoq anima tu, ma yet junoqxa anima yet tol chi yetnej jun anima tu chi yochej yetoq smasanil chi stx'oxon tzet yetal chi tx'oxon eloq. Chi ok yin yayilal yin jun ma yin kab' ab'il maqay yul te' te'.

A k'al juntzan yayilal ti chi ok yib'an junoq maktxel chi yahok yet q'anon junoq tzet yetal tol man yetoq ma tol yet junoq anima ma junoq yet ajnahil, ma unej chi tx'oxon el junoqxa anima tu.



Chi alay ok yin yayilal maqay yul te' te' yin kab'oq ma kaneb'oq ab'il, maktxel chi alon eloq ma chi tx'oxon eloq junoq ujilal axka jun aykan ay yul jun yaltuqan ti.

### ***Olajoneb' skawinaq yaltuqan.***

Chi watx'nelay ok sb'i jun miman tuqan, yet jun miman maqan yet tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

---

## **Waqeb' miman tuqan yet heb' mulej yib'antox mimanilej.**

---

### ***Waqajoneb' skawinaq yaltuqan.***

Chi watx'nelay ok jun usluk'eb' slajonk'al yal tuqan yet tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

***Usluk'eb' slajonk'al yaltuqan. Yet chi allay eloq, chi pojlay eloq ma yet sub'ojxa' chi yunej.*** Yet chi etnelay junoq anima tol lajwinaq xa yab'ilal, yet chi allay eloq ma yet sub'oj chi yun watx'ji mulej, tol chi alay ok yin yayilal maqay oyeb'oq ma lajoneb'oq ab'il yul te' te' kax chi yaqon jun tumin yin lajoneb' yoxk'al mil ma ok'al mil q'uu' tumin.

### ***Uqlajoneb' yaltuqan.***

Chi watx'nelay ok jun lajkaweb' slajonk'al yal tuqan yet tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

***Lajkaweb' slajonk'al yaltuqan.*** Yet chi allay eloq, yet sub'oj chi yun yihon sb'a junoq ujilal yib'an mulej. A juntzan yayilal alb'ilkan b'ay jun yaltuqan, chi sje' yaq'lay mimanb'oq yin yox maqan, axka yin juntzan ti.

- a. Ta tol a yet chi etnelay tu tol yiqelal ix.
- b. Ta tol a jun maktxel chi etaxtu tol yet ajnahil, ma a' chi ilontoq skuyoq, ma a' chi tayneni, yetb'i ma yetb'ib'en, ma junoq smam.
- c. Ta tol chi ok xol jun owal ma jun etnewal yujtol a' yajaw.

### ***Waxaqlajoneb' skawinaq yaltuqan.***

Chi watx'nelay ok jun oxlajoneb' slajonk'al yaltuqan yet tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

### ***Oxlajoneb' slajonk'al yaltuqan. Ujilal yib'an mulej yetoq heb' anima tol manto lajwinaqoq yab'ilal.***

Maktxel tol b'ay tx'oqlil ma b'ay junoqxa anima, yetoq yochwan sjatnen mulej yetoq smimanil yetoq junoq anima tol manto lajwinaqoq yab'ilal, tol chi yaltej junoq watx'ilal b'ay jun anima ti, yet chi watx'nen mulej yetoq, tol chi ok yin yayilal yin oyeb' ma waxaqeb' ab'il maqay yul te' te'.

### ***B'alonlajuneb' skawinaq yaltuqan.***

Chi ok stz'aqil junoxlajoneb' slajonk'al yaltuqan yin kayel tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

***Oxlajoneb' slajonk'al yaltuqan (kayel). Stojol yuj chi yaliloq, yib'antoq mulej yetoq mimanil.*** Maktxel b'ay stx'oqlil ma b'ay junoqxa anima, yib'antoq jatnen mulej yetoq junoq anima tol lajwinaqxa yab'ilal, tol chi yaltej tumin ma junoqxa tzet yetal b'ay yet axka tu chi yi' yochwan, chi ok yin yayilal maqay yul te' te' yin oxeb' ma oyeb'oq ab'il.

### ***Skawinaq yaltuqan***

Chi watx'nelay ok jun kanlajoneb' slajonk'al yal tuqan yet tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

**Kanlajoneb' slajonk'al yaltuqan. Yet chi pojlay el mitx'q'ab'ej yet mulej yetoq smimanil heb' anima tol manto lajwinaqoq yab'ilal.** A' maktxel chi pojlon eloq tzank'al tzet stxolilal, ma maktxel chi watx'nen juntzan ujilal ti yib'an mulej ti, b'aytal ayok snuq'ejal tol yel, yechel ma yet tol tok'al chi watx'nej aj axka tu, b'aytal ayok heb' anima tol manto lajwinaqoq yab'ilal, ma b'aytal ayok heb' anima tol man tz'aqanoq ay snab'al ma smimanil, tol chi ok heb' yin yayilal maqay yul te' te' yin waqeb'oq ma lajoneb'oq ab'il kax chi yaq'on junoq tumin yin lajoneb' yoxk'al mil ma ok'aloq mil yin q'uuq' tuminal.

### **Jun yoxk'al yaltuqan.**

Chi ok stz'aqil jun olajoneb' slajonk'al yaltuqan yin kayel tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

**Olajoneb' slajonk'al yaltuqan yin kayel. Yet chi txonlayi ma yet chi allay eloq juntzan mitx'q'ab'ej yib'antoq mulej b'aytal ayok heb' anima tol manto lajwinaqoq yab'ilal.** A maktxel chi pojlon eloq, chi pojil xiwiloq, chi yahontoq ma chi yihon jayoq yulaq tzettaq yetal juntzan mitx'q'ab'ej ti, b'aytal ayok heb' anima tol manto lajwinaqoq yab'ilal ma heb' anima tol man tz'aqanoq snab'al ma smimanil, tol chi ok yin yayilal yin waqeb' ma waxaqeb' ab'il kax chi yaq'on jun tumin yin olajoneb' yoxk'al mil ma ok'al mil yin q'uuq' tuminal.

### **Kab' yoxk'al yaltuqan.**

Chi ok stz'aqil jun olajoneb' slajonk'al yaltuqan yin kayel tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

**Olajoneb' slajonk'al yaltuqan Ter. Yet chi iqlay ek' juntzan mulej watx'neb'il ajoq b'aytal ayok heb' anima tol manto lajwinaqoq yab'ilal.** A maktxel vojtaq tol ib'il ok yuj junoq juntzan mitx'q'ab'ej ti b'aytal ayok heb' anima tol manto lajwinaqoq yab'ilal ma b'aytal ayok heb' anima tol man tz'aqanoq smimanil ma snab'al, tol chi ok yin yayilal yin kab'oq ma waqeb'oq ab'il yul te' te'.

### **Oxeb' yoxk'al yaltuqan.**

Chi ok stz'aqil jun olajoneb' slajonk'al yaltuqan yin kayel tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

**Olajoneb' slajonk'al yaltuqan. Quater.** Yet chi q'anlay heb' maqanil tx'otx' tx'otx'ej tol watx' yili yet b'ay chi kawxenelay juntzan mulej ti, b'aytal chi q'anlay heb' anima tol manto lajwinaqoq yab'ilal. A' maktxel chi jatnen jun maqanil mulej axka ti, tol chi ok yin yayilal maqay waqeb'oq ma lajoneb'oq ab'il yul te' te' kax chi yaq'on jun tumin yin ok'al mil ma oyeb' skawinaq k'al (500) mil yin q'uuq' tuminal.

### **Kaneb' yoxk'al yaltuqan.**

Chi ok stz'aqil jun olajoneb' slajonk'al yaltuqan yin kayel tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

### **Olajoneb' slajonk'al yaltuqan. Quinquies.** Txolilal yet chi ch'ib'.

A heb' yayilal aykan ay b'ay 173, 199, 189, 193, 194,195,195, Bis, 195 Ter, chi aj yin kayelal ta tol a jun chi etax tu tol manto lajwinaqoq yab'ilal ma tol lajwinaqxa yab'ila yin kanlajoneb' ab'il, ta tol a jun chi etax tu tol manto lajwinaqoq yab'ilal yin kanlajoneb' ab'il chi ilay aj yin kab' jun yayilal tu yib'an jun maktxel chi etnewi anima tu.

### **Oyeb' yoxk'al yaltuqan.**

Chi watx'nelay ok jun uqlajoneb' slajonk'al yal tuqan yet tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

**Uqlajoneb' slajonk'al yaltuqan yib'atoq yayilal mulej.** Yib'antooq ujilal yet yayilal. A yet chi watx'nelay junoq ujilal yet juntzan mulej aykan ak b'ay oxeb' miman tuqan yet tx'an kab' un yet tx'an un ti, chi yihok juntzan ti.

- 1°. Ujilal yet konob'al uqteb'il yuj snahil kotencheb'al.
- 2°. A smiman k'ulalil jun anima chi etax tu, yuj jun yayilal max ok tu.
- 3°. A ujilal yet mulej chi sje' yek'toq, ma mitx'lay ok wahanoq ma tenlay ek'oq.
- 4°. A yajawil yet konob'al ayok sxol juntzan chi ilontoq yet tol ay maktxel chi etaxi, ma ayb'ay ay owal, xol jun anima chi etax tu yetoq jun anima chi ilontoq tu, hoq yiltoq yuj yokob'al heb' unin atak'ala' yochwan.

- 5°. A snahil kotencheb'al hoq yiltoq yet a jun anima chi etax tu tol k'am stumin.
- 6°. A heb'cham ajpop tol kuywinaq ton heb'cham yib'an yet chi yalon heb'cham yib'antox jun mulnajil ti, k'al yilontox yib'an slob'ej, ta tol axka tu chi yun q'anlay yuj jun chi etax tu ma yuj jun anima chi ilontox jun anima tu.

### **Waqeb' yoxk'al.**

Chi watx'nelay ok jun waxaqlajoneb' slajonk'al yaltuqan yet tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

**Waxaqlajoneb' slajonk'al yaltuqan. Yayilal najat ayeloq.** A juntzan tol chi watx'nen juntzan mulej tol tzi' yayji kan b'ay oxeb' maqan yet tx'an kab' un yet latz'b'al yiqelal mulej, chi alay ok yayilal ta tol a juntzan mulej a juntzan ti.

- 1°. Ta a jun maktxel tol man ajkonob'oq, chi ilay eltox yul kokonob' yet mayal lajwi yiqon el smul.
- 2°. Ta a jun mulej tu watx'neb'il yuj junoq anima tol kuywinaq yin iqelal, chi ilay el sb'eqanil yet chi mulnaji.
- 3°. Ta a jun maktxel chi watx'nen jun mulej yujk'al miman yiqb'ej, chi ilay el yin smulnajil kax chi ok yin yayilal.
- 4°. Junej yetox jun akaw yayilal tu, chi ilay el yin smulnajil yujtol chi watx'nej junoq tzet yetal man stxolilaloq.

### **Uqeb' yoxk'al yaltuqan.**

Chi ok stz'aqil jun kab' susluk'k'al ter. Yaltuqan tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

**Kab' susluk'k'al yaltuqan Ter. Etnewal yet anima.** Ayok juntzan mulej yet chi etax heb' anima yet chi ilaytox, mitx'lay ok wahanox, yilay ajoq, schalay junoq ma xiwiloq anima yet chi etnelay heb'.

A maktxel chi watx'nen jun mulej ti tol chi ok yin yayilal maqay waxaqeb'oq ma waxaqlajoneb'oq ab'il yul te' te' kax chi yaq'on jun olajonk'al ma oyeb' skawinaq k'al mil yin q'uuq' tuminal. 2°

K'am junoq maqanil max q'anlelay el b'ay jun anima tu yet chi ilaytoq yet chi etnelayi. 3°

A yochwan juntzan mulej ti, aton yib'antox heb' anima, chi nachaj el juj axka yet chi etnelay heb' anima, yet chi mulji heb' yetox smimanil, ma junoqxa maqanil tzet chi yuj yetax heb' axka yin mulnajil, ma junoq tzet tol man sub'ojox, k'apaxox yet chi ilaytoq ma yet chi txonlay yulaq sk'ul anima, ma yet chi ilaytoq heb' manto lajwinaqox yab'ilal yet chi alay oktox heb' xol junoq b'ulan anima yob' tzet chi watx'nej, ma yet chi alay ok heb' yin uninalejal b'ay junoqxa anima, yet chi ok yin iqalil ixal, yet chi aq'chaj plural ma k'apaxox yet chi aq'chaj plural nupayi. 4°

#### ***Waxaqeb' yoxk'al yaltuqan.***

Chi ok stz'aqil jun kab' susluk'k'al Quater. Yaltuqan yet tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

#### ***K'ab' susluk'k'al yaltuqan Quater. Yet chi tojlanelay yet chi etnelayi ma yet chi txonon sb'a junoq anima.***

A junoq chi watx'nen stx'oqlil ma b'ay junoqxa anima, yib'antox juntzan etnewal yib'antox mulej yet chi yalten junoq watx'ilal b'ay jun anima tu yet chi yihon yochwan jatnen mulej yetox, chi ok yin yayilal maqay yul te' te' yin waqeb' ma waxaqeb' ab'il.

A jun yayilal aykan ay b'ay mayal ek'il ti, chi ilay aj yin skab' ta tol chi altelay junoq tzet yetal b'ay junoq anima tu yet chi jatnen mulej ta tol manto lajwinaqox yab'ilal yin kanlajoneb' ab'il, kax chi ilay aj yin skab' ta tol ayok jun anima tu yin lajoneb'oq ab'il.

#### ***B'aloneb' yoxk'al yaltuqan.***

Chi kawxinelay jun kaneb' susluk'k'al Yaltuqan tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

**Kaneb' susluk'k'al yaltuqan stxolilal yet chi etaxi.** A heb' yayilal tol tx'oxb'ilxa yuj jun yaltuqan mayal ek'iloq, chi ilay aj yin yox maqanil ta tol chi ek'toq juntzan ti.

1. Ta a yet chi elq'anilaytoq ma yet chi ilay el yechel, mitx'lay ok wahan yin oxeb'oq k'u.
2. Ta tol a yet chi watx'nen jun mulej ti chi xib'tewi kax chi yalon tol hoq yaq' kamoq, ma chi yal b'ay jun anima chi etax tu.
3. Ta a jun mulej tu tol kawan ma xiwil anima max watx'neni.
4. Ta to chi ilay el yochwan jun chi etax tu, yetoq junoq tzet yetal.
5. Ta a jun maktxel chi etax tu chi scha' kan junoq yab'il snab'al.

Ta a heb' yayilal chi alon juntzan mulej aykan ay b'ay 191, 192, 193, 193, Bis, 194, 195, 195 Bis, 195 Ter, 195 Quater, 202 Ter y 202, Quater, jun yayilal tu chi ilay ajkan yin yox ta tol chi ek'toq axka juntzan ti.

- a. Ta tol chi aq'chaj plural jatnen mulej yin owalil.
- b. Chi nupayi, ma chi k'exlaytoq junoq unin yuj junoqxa, yet k'am chi illaytoq yet chi watx'ji sk'ul.
- c. Ta a jun chi etax tu tol man tz'aqanoq snab'al ma tol icham ma ixnamil ix xa.
- d. Ta a jun maktxel chi watx'nen tu tol yet ajnahil sb'a yetoq jun chi etax tu, ma a chi ilontoq skuyoq, yetb'i ma yetb'ib'en ma junoq smam.
- e. Ta tol chi q'an junoq q'aq' julb'al ma junoq maqanil an tol chi etnen sminanil ma snab'al jun anima tu.
- f. Ta tol a jun anima tu tol yiqalil ix.
- g. Ta a jun chi etnewi anima tu tol mulnajwom yet yajaw, ma yuj ak skuyoq.

A jun yayilal chi alay ok yib'an chi ilay aj yin kab' maqanil, ta tol a juntzan tz'ib' yayji kan b'ay jun susluk'k'al, k'apax b'ay kab' susluk'k'al. A jun ujilal chi watx'ji, ta tol manto lajwinaqoq yab'ilal yin kanlajoneb' ma manto lajwinaqoq yab'ilal yin lajoneb' ab'il.

### ***Lajoneb' yoxk'al yaltuqan.***

Chi kawxinelay jun waxaqlajoneb' slajkaw'k'al Yaltuqan yet tx'an Latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

***Waxaqlajoneb' slajkaw'k'al yaltuqan. Yet chi nalay yet chi watx'ji k'ul junoq ix.*** A maktxel chi nahon aj junoq yet chi alji junoq unin, yet chi yihon junoq maktxel, chi ok yin yayilal maqay yul te' te' yin oxeb' ma oyeb' ab'il k'al yaq'on jun lajoneb' mil tumin ma ok'al mil tumin.

A jun antewom anima, ma junoq mulnajwom yib'an junti, tol chi kolwal ok yetoq jun mulej ti, chi ok yin yayilal kax chi el yin smulnajil.

### ***Usluk'eb' yoxk'al yaltuqan.***

Chi kawxinelay jun b'alonlajoneb' slajkaw'k'al Yaltuqan tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

***B'alonlajoneb' slajkaw'k'al yaltuqan. Yet chi k'exlaytoq junoq unin yuj junoqxa.*** A maktxel chi k'exonkantoq junoq unin ato yalji, yul k'exeloq junoqxa, tol chi ok yin yayilal maqay waxaqeb'oq ma lajoneb'oq ab'il yul te' te' kax chi yaq'on jun ok'al mil tumin ma oyeb' skawinaq k'al mil yin q'uq' tuminal.

### ***Lajkaweb' yoxk'al yal tuqan.***

Chi kawxinelay jun lajkaw k'al Yaltuqan tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

### ***Lajkaw k'al yaltuqan. Yet chi ilay eloq k'al yet chi kexontoq snupayil.***

Tol chi ok yin yayilal maqay yul te' te' yin oyeb' ma waxaqeb' ab'il kax chi yaq' ok'al mil tumin ma oyeb' sawinaq k'al mil tunim.



1. Yet tok'al chi nahaj yet chi tz'ib'en junoq anima, atak'ala' junoq tzet chi etnen junoq anima, yet chi yihon yochwan yet chi tz'ib'en junoq anima yet tok'al chi nahajoq.
2. Chi k'ub'aj el junoq unin yet chi b'eqon k'ay maktxel ay yet, yet axka tu chi b'eqk'ay yokob'al ma yanimahil.
3. Chi tz'ib'ej junoq maktxel chi alji tol tok'al chi nalay ajoq.

A jun mulnajwom yet konob'al ti tol yojtaq kax chi tz'ib'en junoq ujilal axka junt, tol chi ok yin yayilal maqay yul te' te' yin waqeb' ma lajoneb'oq ab'il kax chi ilay el yin smulnajil.

### ***Oxlajuneb' yoxk'al yaltuqan.***

Chi ok stz'aqil jun yoxlajonk'al Bis. Yaltuqan yin tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

***Jun yoxlajonk'al yaltuqan Bis. Yet chi yihon junoq unin yin man stxolilaloq.*** A maktxel chi yi junoq unin yin man stxolilaloq, yet chi yalten junoq tzetyetal b'ay yet axka tu chi yal sk'ul jun anima tu b'ay yet chi yihon yochwan, chi ok yin yayilal maqay yul te' te' yin oxeb' ma oyeb' ab'il kax chi yaq'on junk'al ma ok'al mil yin q'uq' tuminal.

A juntzan yayilal chi alay ok ti yet k'am chi etax yuj junoqxa mulej.

### ***Kanlajoneb' yoxk'al yaltuqan.***

Chi ok stz'aqil jun junb yoxlajonk'al Ter. Yaltuqan yin tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

***Jun yoxlajonk'al yaltuqan. Ter. Yet man xtsolilaloq chi yun yilay junoq unin.*** Cham mulnajwom yet yajaw tol yojtaq kax chi watx'nen junoq mulnajil axka jun ti, yet chi q'anon junoq unej tol man watx'oq, chi ok yin yayilal maqay yin waqeb' ma lajoneb'oq ab'il kax chi yaq'on lajoneb' yoxk'al mil tumin ma ok'aloq mil tumin.

### ***Olajoneb' yoxk'al yaltuqan.***

Chi ok stz'aqil jun jun swaqlajonk'al Bis. Yaltuqan yin tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' yet Konob' Xe'q'a'. Chi kankan axka ti.

***Jun swaqlajonk'al yaltuqan bis. Yet man smojaliloq q'anlay mimanilej yet anima.*** A maktxel chi kolwaj yin junoq maqanil ujilal axka ti yet chi ilay elteq yul sk'ul junoq anima, yet chi txonlayi tol chi ok yin yayilal maqay yul te' te' yin oyeb' ma lajoneb' ab'il.

### ***Waqalajoneb' yoxk'al yaltuqan.***

Chi kawxinelay jun kan maqanil yet jun yaltuqan yet txolilal yin smasanil yet tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' Xe'q'a'. Chi kankan axka ti.

4°. Yuj owal, yin mimanilej, yin nab'alej, jun b'ab'elal aton yet chi allay junoq nab'alej yib'antox anima ma tzettaq yetal. Jun yet skab' aton yet chi xib'tenelay aj anima yet chi chahonkan junoq ilya' yin snab'al, yet chi etnelayi, yet chi etnelay yuj yajaw, yet chi xib'telayi, ma yet chi yetnej sk'ul yuj junoqxa maktxel.

### ***Uqlajoneb' yoxk'al yaltuqan.***

Chi ok stz'aqil juntzan yochwan yin masanil yet tx'an latz'b'al yiqelal mulej, cheqb'al iqelal 17-73 yet Popb'al Latz'leb'al kajay Konob' Xe'q'a'. Yet uqeb' yaltuqan chi kankan axka ti.

### ***Waqeb' yaltuqan.***

Ta a juntzan mulej yet chi q'anlay heb' anima tol manto lajwinaqoq yab'ilal yin mulnajil yataq yili, ma yet chi yihon ek' heb' juntzan mitx'q'ab'ej yib'an mulej watx'neb'il yuj anima manto lajwinaqoq yab'ilal, yet chi elq'anelaytoq yet junoq maktxel, yet chi mitx'lay ok wahan yalji junoq unin, yet chi k'exlaytoq junoq unin yuj junoqxa unin, yet chi k'exontox ta tol nupan ma k'amaq, yet chi ilay junoq unin yin man stxolilaloq, yet chi alay ok yin yayilal yet chi txonon smimanil, jun yayilal chi alay ok yib'an yuj chi yiltoq jun mulej yib'antox yet chi etnelay anima.

# ► OYEB' MIMAN TUQAN

## YET CHI ALAY OK YIN YAYILAL HEB' CHI ETNEWI ANIMA YET CHI STXONON HEB' SMIMANIL.

---

### *Waxaqlajoneb' yoxk'al yaltuqan. Yet chi schahon stojol yin.*

Heb' chi okkan yin yayilal yuj smul yib'antoq yet chi yetnen heb' anima. Yowalil chi yaq heb' jun tumin b'ay jun max etaxtu yuj jantaq b'ay max yetnej heb' sk'ul, yet axka tu hoq q'an jun tumin tu yet hoq yanten sb'a, axka b'ay max etaxkan snab'al, smimanil, ta tol a jun anima max etax tu k'am chi yal sb'a yuj juntzan b'aytal max etax tu, ma k'am chi q'an stuminal yuj jantaq b'ay max etax tu. Juntzan sb'isil tumin tu chi alchajkan yet chi okkan jun chi etnewi anima tu yin yayilal.

Jun tumin chi aq'lay kantu, chi aq'laykan b'ay heb' uninalej tatol a jun anima tu chi kamxa'al.

### *B'alonlajoneb' yoxk'al yaltuqan. Yechb'al yin stxolilal yet chi ilaykan ek'toq yin b'ab'elal junoq nab'alej.*

Yet chi aq'laykan junoq unejal yet k'amto chi ek'toq junoq tzet yetal axka yib'antoq juntzan mulej tz'ib' yayji yul tx'an un ti. Cham yajaw hoq yihaj cham k'al yokob'al jun anima max etax tu axkatu hoq el lehehoq yin b'aytal max etax tu.

### *Oxk'al yaltuqan. Yet chi q'anchaj tx'an iqelal ti yin stxolilal yib'antoq heb' elq'om, yib'antoq heb' chi mulnaj ok yin etnewom anima yet chi txonon heb' smimanil.*

Yib'antoq yochwan yet chi saychaj ila' k'al yet chi mitx'aj ajoq yuj chi etnewi anima yet chi stxonon smimanil. , hoq alay ok yin yayilal axka juntzan tz'ib' yayjikan yib'an heb' elq'om k'al yib'an heb' chi etnewi anima yet chi txonon heb' smimanil, a juntzan stxolilal yet chi saychaj il juntzan ti, juntzan stxolilal ti, juntzan chi kolwaj okoq k'al juntzan mitx'q'ab'ej chi tenon ek' jun iqelal ti, axka tx'an cheqb'al iqelal 21-2006 yet Popb'al Latz'leb'al kajay Konob'.

*Jun skanwinaq yaltuqan. Yet chi ilaytoq yuj junoq smul yib'antoq yet chi etnewi anima yet chi txonon sb'a.*

A juntzan chi sje' jayok yib'an yet chi ilaytoq b'ay junoqxa konob' jun anima chi watx'nen jun mulej tz'ib' yayji kan yul tx'an iqelal ti, yalk'al ta lit'an ma kamaq, chi ok k'alta' sataq tx'an iqelal ti.

# WAQEB' MIMAN TUQAN

**YET CHI TAYNELAY HEB' CHI ALON YIB'AN YET HI ETNELAY HEB' ANIMA YET CHI TXONON HEB' SMIMANIL.**

*Kab' skanwinaq yaltuqan. Iqelal yet chi q'anlay yin stxolilal.*

A yet chi taynelay heb' anima chi alon yib'antoq juntzan mulej ti, hoq q'anlay juntzan txolilal tz'ib' yayjikan yul tx'an cheqb'al iqelal 70-96, yet Popb'al Latz'leb'al kajay Konob' Xe'q'a'. Iqelal yet chi taynen anima ayok xol yilontoq xtolilal iqelal.

*Oxeb' skanwinaq yaltuqan. Heb' yajaw chi ilontoq yib'an.*

A q'umb'alb'a yet yajaw yib'antoq Mimeq Konob'laq yet konob' Xe'q'a' k'al snahil kotencheb'al, yowalil hoq yahok heb' stz'aqiloq smulnajil yet chi sayon ek' heb' yet ajnahil jun anima chi etax tu, k'apaxoq yet chi tz'unoni, yet chi yihon ok junoq mulnajil yet chi taynen heb' anima chi etnelay yetoq skolwal heb' yatutal mulnajil chi ilontoq yib'an jun mulnajil ti.

*Kaneb' skanwinaq yaltuqan. Yet chi taynelay heb' chi kolwaj yalon yib'antoq heb' anima chi etnewi anima.*

Ta miman chi yaq yet chi saychaj il junoq tzet yetal yib'antoq anima chi etnelayi yet chi txonon smimanil, a heb'cham yajaw chi ilontoq yib'an, yowalil hoq say il heb'cham maktxel jun anima tu, kax ayman hoq say il heb'cham heb' anima ayok yalan yayilal tu. Tol yowalil hoq taynelayoq axka yalon kan tx'an cheqb'al iqelal 70-96 yet Popb'al Latz'leb'al kajay Konob' Xe'q'a'.

A juntzan anima tu chi taynelaykan heb' yuj juntzan stxolilal mulnajil, chi b'eqlay kan heb' stx'oqlil yet mayal ek'toq smay jun il tu yib'an heb'.

Ta a jun anima tu k'am chi ilchaj ok yul kokonob' ti, a heb' cham yajaw chi ilontoq yib'an ayman chi yal heb' b'ay heb'cham yajaw chi ilontoq b'ay jun konob'tu kax chi saylay ek'oq, axka tu chi illaytoq yin amunk'uhan yet chi taynelayi.

***Oyeb' skanwinaq yaltuqan. Yet chi q'anjab' yin amunk'uhan.***

A jun anima chi etax tu k'al jun chi kolwaj yilontoq yet chi etnelay junog anima yet chi txonon smimanil, ay yokob'al heb' q'anjab' yin amunk'uhan yetog junog yet ajnahil ma yetog juntzanoq anima tol yojtaq.

***Waqeb' skanwinaq yaltuqan. Alwalb'ahejala.***

A yet chi yalon sb'a heb' chi kolwaj yilontoq, chi sje' yok tzeqan ch'en ch'en yin heb' yet chi yalon heb' ta tol kaytu chi yun q'anlayi, chi watx'ji k'apax axka ti ta tol manaq yul kokonob' chi ilchaj ok jun anima yuj taynen sb'a.

Yin smasanil, k'am chi sj'e yillen ok sb'a jun anima tol manto lajwinaqoq yab'ilal chi etax tu yetog jun chi etnewi anima tu.

# SMAQANIL STXOLILAL

*Uqeb' skanwinaq yaltuqan. Stxolilal yib'an ajtz'ib' chi ilontoq yet chi etnelayi k'al yet chi stxonon anima smimanil.*

A, ajtz'ib' chi ilontoq yib'an yet chi etnelay anima k'al yet chi stxonon sb'a yowalil hoq watx'nej junoq txolilal mulnajil yul oxk'al k'u yet mayal ok tx'an iqelal ti yin yiqb'ej.

*Waxaqeb' skanwinaq yaltuqan. Stuminal yib'an.*

Chi allay b'ay heb' chi mulnaj ok yib'antox ch'en tumin, chi tz'unaj heb' junoq b'aytal chi ilay elteq yul ab'il 2009, kax tol k'am chi ek'ayteq yalan oyeb' millón q'uq' tuminal, yet axka tu chi sj'e yillaytoq owal yin anima, k'al yet chi etnelay anima ma yet chi txonon heb' smimanil. Heb' mulnajwom ti yowalil hoq yiltoq heb' ta tol chi iqchaj lajwoq jun tx'an iqelal ti. A yul jun maqanil ti, hoq alay ok junoq tuminal yet hoq antelay jun max etax yuj juntzan yayilal aykan ay yul jun tx'an un ti.

A jun stuminal yet hoq antelay jun anima max etax tu yul jun yaltuqan ti yowalil hoq illaytoq yuj ajtz'ib' mayal b'inaj ti atak'ala' tz'ib'chajkan yul tx'an iqelal ti.


# SMAQANIL SLAJUB'AL

## *B'aloneb' skanwinaq yaltuqan. Swatx'jub'al.*

Chi watx'nelay ok jun sb'isil k'al sb'i jun miman skab', yox k'al skan maqan yet jun oxeb' miman tuqan yet tx'an kab' un yet uqeb' sok'al yaltuqan, b'aytal chi yalkan yib'antox yet chi stxonon heb'ix ix smimanil, 175,176,177,178,179,180,181,182 masantak'al b'ay 187,194,236 k'al 237 yet tx'an cheqb'al iqelal 17-73 yet Popb'al Latz'leb'al kajay Konob', Latz'b'al yiqelal mulej.

## *Lajoneb' skanwinaq yaltuqan. Yiqb'ejal.*

A jun tx'an iqelal ti hoq ok yin yiqb'ej yet olajoneb'xa k'u yallay eloq yul tx'an alom ab'ix yet konob'al.



CHI ALAY EK'TOQ B'AY SNAHIL WATX'JUB'AL AY  
OWAL YET CHI OK YIN YAYILAL, YET CHI ALLAY  
ELOQ.

MAX AQ'LAY B'AY SNAHIL YAJAW YE  
IQELAL, B'AY TX'OTX' KONOB' XEQ'A, YET  
WAXAQLAJONEB' WAY B'AB'EL XAJAW YET  
AB'IL 2009.





